

元始無量度人上品妙經卷之六十

鍊氣變仙品

道言昔於始青天中碧落空歌大浮黎土受元始度人鍊氣變仙超神上清之品元始天尊當說是經周迴十過以召十方始當詣座天真大神上聖高尊妙行真人十方鍊氣變仙生神道君化骨住命功曹天吏主錄仙名應真得度鍊氣變仙無量度人諸天大神無軟數眾御氣而來其氣徘徊非空非有非形非色混洞無極雲霞霄霧難喻其體九色不定乍光乍明或絳或青煥爛九空映耀三界自非諸天神靈華仙雲瑞彩之可比類發於元始玉京翠房淵巖冥寶之中靡靡布散中有百千無

道藏輯要

度人妙經

矣

九集五
x 1/4

量光景各現丹輿綠輦羽蓋瓊輪龍旌鳳軒夜光神馬九絕猛獸玉璉停空紫蓋高蔭流精玉光浩氣鬱勃洞煥太空三日三夜諸天日月星宿垂象之輪金璣玉關瑤樞寶纂靈綱雲域宿舍絳岐一時運動行度流移不與常等是時天司上官主典掾司各守輪轂推紐轉括不能循軌以應常次咸各驚駭而相謂言是何瑞因覩此奇變即建天鼓以候斗車鳴鼓九通下觀玉京之傍一十二山靈海碧濤神津潮應龍蚪出沒其聲沸雷大淵汪洋涓流湮汨不與天鼓鳴時機會相應諸天帝宮未識何緣以致斯異賡料簿籍默會簡籙將詣帝臺質其所疑速命威神分雲掃途攝炁治道驂駕龍虎秉執旌旗時未當行神煙四

起天風灑灑三辰迴照妙炁澄廓方輿圓蓋左行右旋天籟揚
音洞歌宛奏千界流光八騫高樂靜觀羣真咸得侍座元始天
尊玄坐虛浮紺碧蓮花之上其花萬葉藥珠周遶一葉下廣遺
覆一天一藥之珠各現金色天妙世界一一界中各有天仙帝
王首冠寶華衣搖仙彩乘鶴駕鸞往來無礙於此蓮翰明如水
晶其直參空根蟠玉海圓徑萬里中有寶樓琛闕瓊宮瑰殿層
壘鬱我所現靈觀不可思說及以比量以近言之猶於太倉遙
瞻積粟元始天尊安坐蓮花下觀諸天而是身相大小齊等不
有偏陷說經一遍諸天大聖同時稱善是時一國男女身光影
相互相涉入說經二遍神現無極玉京崑崙等一塵芥無有限

道藏輯要

度人妙經

完

九集五

際說經三遍萬象羣類一時同聲讚歎經法清詠道真說經四
遍上清九空三萬六千日月一時同明九陰腐骸未度之骨還
起成人說經五遍金龍神獸競吐風雲合沓九色洞妙混淪說
經六遍一國男女含炁之倫童嬰其顏金玉其身不知有死食
炁游神說經七遍天垂碧玉地變黃金紅露飄注甘醴冲盈說
經八遍金翅不生神龍夜鳴五嶽收煙八景現形說經九遍玉
海揚波碧山秀榮飛仙來朝雲輅鳳旌說經十遍地藏甘露七
寶均生頑堅濁礙瑞光化成是時一國是男是女莫不傾心皆
受護度咸得長生

道言是時元始天尊說經一遍東方鍊炁變仙至真大神無鞅

之眾浮空而至說經二遍南方鍊炁變仙至真大神無執之眾
浮空而至說經三遍西方鍊炁變仙至真大神無執之眾浮空
而至說經四遍北方鍊炁變仙至真大神無執之眾浮空而至
說經五遍東北鍊炁變仙至真大神無執之眾浮空而至說經
六遍東南鍊炁變仙至真大神無執之眾浮空而至說經七遍
西南鍊炁變仙至真大神無執之眾浮空而至說經八遍西北
鍊炁變仙至真大神無執之眾浮空而至說經九遍上方鍊炁
變仙至真大神無執之眾浮空而至說經十遍下方鍊炁變仙
至真大神無執之眾浮空而至十遍周竟十方鍊炁變仙天真
大神一時同至一國男女傾心歸仰來者聞於妙炁彌塞普遍
道藏輯要

度人妙經

卅
X文三
九集五

泛此浩蕩無量俱來形同於氣氣同於形無有東西及以涯涘
種種人物男女相貌忽出忽沒忽隱忽顯遍一大國炁皆散滿
非可禁止於是元始含笑出紫金光明寶掌五指手相望炁斂
約瑩然開顯卽見諸天一切眾生聽法真寮無量大道威神冥
空天界一切神司大俱吒鬼皆在光氣之內稽首作禮旋匝座
下願聞法要眇眇之中去地百丈元始登引天真大神上聖高
尊妙行真人十方鍊炁變仙至真諸大神王無執數眾俱入光
炁之內一切天人見元始天尊上聖高尊如處寶珠及淨琉璃
天海交映渾渾空碧光照內外潔無纖翳見十方空湛同天眼
一切真仙仰看歌詠步虛禮拜惟見拂拂出入來往光融炁化

不知所在國人廓散天境平正虛通踈徹元始卽於炁觀有無之中說經都竟眾真監度以授於我當此之時喜慶難言法事粗悉諸天復位恍惚之間空炁合體寂無遺響是時一切天司三辰二景主運轉機一切真神始悟異因炁變神移莫知所緣乃識元始欲說鍊炁變仙最上妙道先現斯瑞諸天真仙一切天人遇值經法普得濟度全其天年無有中傷傾土歸仰識道忘心炁鍊炁明炁大炁剛炁空炁洲炁冲炁運炁有炁無炁變炁仙言不唱宗口不命物齊同慈愛異骨成親國安民豐欣樂太平經始出教一國鍊氣悟十二法以炁合道以道合心心合於神神變爲仙宗奉禮敬皆得度世

道藏輯要

度人妙經

卷

九集五

道言元始天尊說經中所言並是諸天上帝鍊炁變仙生神易骨隱韻之音亦是十方變氣變仙至真大神內諱鍊氣變仙之隱名也非世之常辭上聖已成真人通玄究微能悉其章炁已超登聖地升入無形猶固鍊之誦之十過諸天召炁萬帝變仙天地返元氣如淵泉山鍊爲炁地鍊爲炁天鍊爲炁人鍊爲炁三景萬象皆鍊爲炁炁無形端恍惚存亡人能識之變神爲仙未能識氣未知鍊道齋戒誦經真炁自生鍊炁自然天地自應三辰不行羣魔束形鬼精滅爽回屍起死白骨變仙至學之士誦之十過則精血化炁炁達百川五臟六腑不逆無偏自有入無炁鍊綿綿綿綿永存變神爲仙則五帝列侍三元發煙魔精

喪膽鬼官揚鞭滌蕩九醜烝極通玄濟病度死絕命更生所以爾者學士鍊氣未明體未洞真召制萬烝烝登天門烝還天門不知無形德可伏御地祇束縛魔靈但卻死而已氣鍊得生輕誦此章烝不光揚流精玉化塞闕明堂立曹記言注子餘殞供養尊禮門戶興隆世世昌熾與善因緣萬災不干神明護門斯經尊妙獨步玉京度人無量爲鍊烝變仙萬道之宗巍巍大範德難可勝

道言凡誦是經十過諸天氣到億曾萬祖幽魂苦爽既滅之後皆化爲烝烝不經鍊冥漠不生受誦氣鍊皆卽受度上升朱宮格皆九年受化更生得爲貴人而好學至經功滿德就鍊烝變

道藏輯要

度人妙經

卷

九集五
X 8 11

仙飛昇金闕遊宴玉京也上學之士修誦是經皆卽受度飛昇南宮世人受誦則延壽長年後皆得作尸解之道形隨烝出化入無門魂神合氣氣結成神不經地獄卽得返形泛氣太空此經微妙普度無窮一切天人莫不受慶無量之福生死蒙惠上天所寶不傳下世至土齋金寶效心盟天而傳輕洩漏慢殃及九祖長役鬼官侍經五帝王童玉女各六十四人營衛神文保護受經者身

道言正月長齋誦詠是經鍊烝鬱青爲上世亡魂故烝鍊新斷地司牽役復連家訟度上南宮七月長齋誦詠是經氣鍊空白身變神仙諸天書名玉籙素契削死上生十月長齋誦詠是經

炁鍊太黃爲國王帝主君臣父子召炁九天天福炁冥安鎮國
祚保天長存世世不絕常爲人君安鎮其方永享太平八節之
日誦詠是經炁鍊九星化爲九色戴九履一左三右七二四扶
肩六八挾足氣遶九宮變爲眞身得爲九宮眞人本命之日誦
詠是經氣鍊太微自壬入支六甲從官一炁化奇魂神澄正萬
炁相隨不經苦惱神變希夷三界奉輪五天揚麾萬神朝禮名
書上天功滿德就飛昇上清

道言行道之日皆當香湯沐浴齋戒入室東向叩齒六十四
通上聞六十四天心拜六十四過閉目靜思身坐青黃白三
色雲氣之中內外蒼冥有青龍白虎朱雀玄武獅子白鶴羅

道藏輯要

度人妙經

卷

九集五
川

列左右日月照明洞煥室內頂生圓象光映十方如此分明

密咒曰

無上玄元太上道君召出臣身中三五功曹左右官使者侍香
玉童傳言玉女五帝直符直日香官各六十四人關啓所言今
日吉慶長齋清堂修行至經無量度人願所啓上徹經御

無上六十四天元始上帝至尊几前

畢

引炁三十二過東向誦經

元始無量度人上品妙經

元始洞玄靈寶本章鍊炁變仙九變度人道氣陰韻離合自然
混洞太无混无爲虛虛爲空體炁與空俱炁爲太真妙入玄無
炁爲道性不屬有無變化通神神與炁俱炁非氣氤炁非呼吸
炁無炁出炁非雲煙炁非形質真炁無體彊有炁名炁能生化
炁能變遷炁能堅剛炁能返還炁能長久炁能綿綿我炁非物
能生眾物我炁無情能化有情炁爲道母炁爲大神動而爲有
靜而爲空化生玉京蕭臺鬱戩太羅玉清金闕玉房紫閣朱庭
眞炁流間化結上眞無炁不光無炁不明無炁不立無炁不成
無炁不度無炁不生是爲大梵玄中之玄派分支析如環相連

道藏輯要

度人妙經

卷

九集五

蟠延屈回紫炁白煙上下無常剛柔有方高聖靈仙萬帝千眞
混化一炁鍊而變仙譬諸世間山海樓閣萬物榮繁智蠢賢愚
上宰下官皆從炁生受鍊變遷炁無生死炁無頗偏隨感而應
炁妙相傳若亡若存眇眇三便虹京瓊池日澤藥淵大行梵炁
周迴十方化生度人不死之神化生南極長生大君化生鍊炁
變仙大神化生道炁自然威神化生上清神炁紫君鍊化元炁
始生變仙至眞尊神炁存不死無量度人今日校錄諸天臨軒
東方無極鍊氣變仙長生大聖無量度人
南方無極鍊氣變仙長生大聖無量度人
西方無極鍊氣變仙長生大聖無量度人

北方無極鍊氣變仙長生大聖無量度人
東北無極鍊氣變仙長生大聖無量度人
東南無極鍊氣變仙長生大聖無量度人
西南無極鍊氣變仙長生大聖無量度人
西北無極鍊氣變仙長生大聖無量度人
上方無極鍊氣變仙長生大聖無量度人
下方無極鍊氣變仙長生大聖無量度人

十方至真鍊氣變仙長生度世無量大神並乘梵氣變成紫雲
碧琳之輦瓊鳳之輿黃蓋素輪驂駕九龍三炁之駟景雲之幟
流火之鈴鳴金考革撼響帝鐘前鳴玉童齊唱後吹玉女笳鳴

道藏輯要

度人妙經

圭

九集五

獅子辟邪嘯歌噓囉八極開圖五帝奏煙億乘萬騎浮炁而來
含空降光監真度生諸天丞相太素上宮主道攝炁變仙大神
執籙把籍齊到帝前隨所應度嚴校諸天普告三界無極神鄉
泉曲之府北都羅酆三官九府十二河源上解祖考億劫種親
陰屍滯魄萬炁魔魂身謝三官魂炁久凝宿業如風飄流惡根
炁無生死但有杳冥識念憑炁遊停何依善化福堂惡化炎池
性因識迷隨炁所之一如在世驚喜笑啼魔炁爲吏聿來誑之
魂炁飄揚憶念含悲元始道恩攝炁鍊持積寃成和積故成新
死炁蕩化落滅罪根不得拘留逼合鬼羣元始符命時刻昇遷
返炁太无混道元胚天魔六合火獄冰池業盡炁鍊玉光洞微

寂然空廓獨存希夷死魂受鍊仙化天奇道爲我身炁爲我神
念世迷妄徒取悲辛鍊炁變仙無量度人生身受度劫劫長存
隨劫輪轉與天齊年永度麤染漏念輕欲業道天牢魂魄不經
超凌三界逍遙上清上清之天天炁至真無色之境梵行

東方十六天

此炁大梵初無起止皆是道性元神所現天境本無體象道化爲真

妙也不歷星度次舍在無色之境出陰陽之分

皆上聖之居

宛空明梵天

帝空冲嬰

紫元伯无天

帝明子歸

燕景鬱需天

帝虛父自康

道藏輯要

度人妙經

美

亢集五

冲正洞極天

帝耀朱駢羅

明辨无黃天

帝太無留延

理重淵虛天

帝道時建華

覺真權厭天

帝弗泰用師

清微黃羽天

帝鬼度監

救明望世天

帝常遊江因

越雨問時天

帝蘇來鳩生

炁靈昭浦天

帝慶皇上宗

玄虛光範天

帝招集女魂

上極四種天

帝羌陳燄

易化正鎮天

帝杜常生

孤罡八範天

帝孔堅明婁

九延玉定天

帝智定嚴

南方十六天

丹摩逸化天

帝崇真斯臺

斗鑑虛輿天

帝沙劫子安

帝光無濟天

帝望期明

朱陵耀光天

帝洞雲無真

紫景斷白天

帝宛醯羅

降仙台元天

帝呼牛演池

道藏輯要

度人妙經

卷

元集五
川。川

爽至謝深天

帝鹿堂子家

鬱江斯蟬天

帝日曜春

佑侯利真天

帝曾和太空

谷玄道用天

帝吐明芝生

李步明微天

帝圖何部多

神廬昌應天

帝隨宮祕主

度正克宗天

帝舜角明基

大火赤衣天

帝翰覺賢

青帝洞遙天

帝江平延孫

亥城百化天

帝奚流夜隄

西方十六天

金離光啓天

帝敷妙丙昌

極皇玄運天

帝裕主洪肇

周延靜平天

帝光明王

寶宋榮滋天

帝明梵子璫

慶眞美元天

帝廬姜上明

祭無神肆天

帝允知賢成

高降質華天

帝柏監文英

道期延紀天

帝屈墮彌

童利帝鋤天

帝西隅周微

道藏輯要

度人妙經

庚

亢集五
一之三

鼎神化微天

帝龍恒師

太安順極天

帝震恭孝文

窮熙耀仙天

帝綠羅千

紫都月廣天

帝世諸叢名

崔康節時天

帝款魚夏瓊

境碧落珉天

帝絳飛酬京

普海洞幾天

帝酉子都

北方十六天

魚泗統眞天

帝禽來護

虎伽霹方天

帝咸菜半武

仇淵落余天

帝台真回元

金晶正濟天

帝總靈司幾

皇利孔修天

帝猷牢夫

堯樞精靈天

帝構華伯皇

神吟蕭都天

帝定思狂

慶著嶽符天

帝燕仙壽躬

琛明除苦天

帝琴頤歌

鄂信考孚天

帝希清然甯

政入豹部天

帝脫喬孟嬰

耿壘瀝泉天

帝瀆庭九公

道藏輯要

度人妙經

堯

九集五
1128

鬼儲史樂天

帝路熙載靈

靈馥海輪天

帝神文屈兵

上極霄埴天

帝召天提平

碧常洞元天

帝瑤池宋程

六十四天六十四帝諸天隱諱諸天隱名天中空洞鍊炁靈章
諸天隱韻氣中之音氣中之尊氣中之神氣中大魔氣中之靈
九變十鍊合化上清道性為炁炁與空淪子未能鍊誦此洞文
子若知鍊鍊為至精氣本無鍊鍊為假名以子不精欲染愛憎
業為穢垢情為玷痕害子道炁去子華榮靜以鍊炁正以守成
鍊久炁定油然大清炁經鍊持坦夷四平內視八景六虛流明

鍊去人道邈同道眞無量之奧深不可詳敷落神眞普度天人
今日欣慶受度歷關諸天請鍊炁惡斬戮邪根飛度三宮變仙
大玄氣中眞王監舉保鍊出入無門東斗炁青西斗炁素北斗
炁黑南斗炁赤中斗黃庭炁鍊五斗寓變色形色形至眞非幻
滅稱惟道所適變仙齊靈青炁護魂白炁侍魄赤炁養和黑炁
通血黃炁中胎萬道無越青炁仙王淨光幽潔赤炁仙王沖淵
帝極白炁仙王浩庭凝密黑炁仙王北玄景蔚黃炁仙王子丹
誦陸五炁仙王萬神之宗泛駕遊空總領天眞道炁爲龍麟車
虎旗霹靂靈霞幟燄赫與大天功上天度人變攝飛空摧魔
束祇嚴攝北鄴變仙受命下掃不祥六天故氣腥血八衝鬱勃

道藏輯要

度人妙經

卷

九煉五

無光盤結橫攻慘慘穢氣神鬼伏蹤隱形其間與世爲凶帝命
九老勅攝羅酆電火前驅鞭虎呵龍通天鬣鬣擲火九重害炁
千里鍊爲碧空大帝嘯咤玉眞騁容寶輪軋霄紫景溶溶敢有
干試拒遏上眞鑿天斬頭金斧戮形天運地旋風號火噴震撼
神邱紫微攝京萬萬千千檢鬼姓名三官鼓筆五嶽竦庭不得
容隱金馬驛呈普告無窮萬神咸聽三界五帝列言上清
洞无玉明龍變神剛眇眇億劫混沌之中上氣無色下亦無淵
中乃洞虛鍊炁成天天上天下無幽無冥無形無影無極無窮
溟滓大梵遼廓無光氣鍊赤明運度自然元始安鎮九空變仙
氣鍊成有雲霞霧煙氣鍊成無神境變仙氣凝大梵靈書洞篇

火鍊水瑩十華麗鮮八角垂芒金字碧天玉文煥室虎臥龍潛
鳳炁鶴迹星鈎網連三元正體萬天盟傳保制劫運使天長存
梵氣彌羅萬範開張元氣流演六十四天輪轉無色周迴十方
旋空歷常迴赤流玄八十一分總炁上元九光混合氣入玄玄
玄中太皇上帝高真泛氣妙庭吟詠玉梁柱火冶鍊流響雲營
妙空涵炁神風合煙紫素瓊萸黃白變仙少青朱精和合成真
自然鍊變神真自成真中有神長生大君扶攜青華顧接帝嬪
愷宴九華三天玉寶太一泥丸司命住心桃康合延布炁生神
黃老鍊變保命生根上遊上清出入華房八冥之內細微之中
下鎮人身泥丸絳宮中合大虛空爲道母炁偕空居變化無常
道藏輯要

度人妙經

全

九集五
XOL

混合百神九變迴靈萬炁變仙仙道貴生無量度人神蓋腦宮
上開天門飛天命魂罪福禁戒宿命因緣普受開度死炁生神
神變爲仙上閻諸天諸天之上各有生門中有空洞鍊氣之章
仙聖靈篇辭參高真

第一天真帝皇鍊炁洞碧真王之音

天光眇微

靈氣無期

飛騰洞空

左右流之

碧濤漪漪

鍊此瓊藜

策虛維何

跨斗躡箕

第二天真帝皇鍊炁洞青真王之音

神馬無行

我氣非征

道爲氣天

王宮連連

靈娥帶月

龍車朝發

掇雲飛香

平海蒙雪

第三玄真帝皇鍊炁洞紺真王之音

上帝九門

日光其瞰

氣曠晨霞

鍊之長存

青紅紺光

注我黃房

洞芝可羹

舖嬰慶良

第四妙真帝皇鍊炁洞蒼真王之音

天玉其蒼

拊球琅琅

炁鍊入空

與形相忘

變神變仙

外玄內黃

道受遂妙

非世所藏

道藏輯要

度人妙經

全

元集五
二〇〇

第五極真帝皇鍊炁洞黃真王之章

鳳車虎璋

東揖扶桑

紫書龍蟠

仙伯垂璫

陽氣如吹

仰御朱光

謁帝變仙

鍊炁中黃

第六素真帝皇鍊炁洞紫真王之章

赤黑未分

求卵於鷄

咽彼金色

氣合希夷

鍊骨為空

氣與形通

我道妙微

陋仙何知

第七虛真帝皇鍊炁洞赤真王之章

白虎銜璧

轉此赤日

氣鍊彭亨

知三得一

仙人玉顏

變此九七

混洞無光

端坐瓊室

第八帝眞帝皇鍊炁洞綠眞王之歌

青黃變綠

不疾而速

我神爲車

披雲輶輓

玉女華殊

我乘東驅

一笑墮珥

淵有雙魚

第九玉眞帝皇鍊炁洞白眞王之章

絳臺千級

飛仙可入

氣鍊如繩

龍腰玉鉞

雲液返童

氣成八風

朝宴崑崙

名登錦邱

道藏輯要

度人妙經

卷

九集五

第十金眞帝皇鍊炁洞玄眞王之歌

我持橐籥

鍊氣消息

星垂金弧

網流五尺

披雲俯光

吸玄咀液

道成變仙

帝家淵碧

此三景之上飛空之中眞王歌音參洞章誦之百遍名度南宮誦之千遍眞王保迎萬遍道備飛昇太空過度三界位登仙公有聞靈音魔王束形勅制九天侍衛送迎拔出地戶故氣黑赤百結大關三刑四殺五道六害祖炁升遷永離鬼官魂度朱陵炁鍊更生是謂無量普度無窮有祕上天文諸天共所崇泄慢墮地獄故氣沒祖翁

道言此洞章並是諸天上帝及鍊氣變仙眞王隱祕之音皆是
大梵之言非世上常辭言無韻麗曲無華宛故謂玄奧難可尋
詳上天所寶祕於玄都紫微上宮依玄科四萬劫一傳者有至
人齋金寶傾心依舊格告盟上清然後而付焉

道言天地鍊炁亦有終窮三光鍊氣亦有虛盈至聖神人亦有
氣數未學之氣亦有絕傷凡有此災同契皆當齊心修齋六時
行香十遍轉經福炁立降害炁流祥無量之文普度無窮

道言夫未學道淺或鍊炁未功運應滅度氣停太陰臨過之時
同學至人爲其行香誦經十過以鍊屍炁如法魂神經上南宮
隨其學功計日而得更生轉輪不滅變神爲仙

道藏輯要

度人妙經

卷

九集五

道言天地氣終亦當修齋行香誦經星炁錯度日月失明亦當
修齋行香誦經四氣失度陰陽不調亦當修齋行香誦經國土
有災兵氣四興亦當修齋行香誦經疫氣流行兆民死傷亦當
修齋行香誦經師友氣絕亦當修齋行香誦經夫齋戒誦經功
德甚重上消天災保鎮帝王下禳害炁以度兆民生死受鍊其
福難勝故曰無量普度天人

道言凡有是經能爲天地帝主兆民行是功德氣災之日發心
修齋燒香誦經十過皆諸天記名萬神侍衛右別至人剋得爲
聖君金闕之臣諸天記人功過毫分無失炁中眞王亦保舉爾
身得道者乃當洞明至言也

諸天中大梵隱語無量音

道君撰

元始洞玄鍊炁變仙玉篇

東方八天

潭無景憐

起寂洞珉

太極竟羅

玄牡犒灑

玉幾纏眸

碧畢完辰

霞廓光鈔

昆池鏡騰

虛蕩醜計

華延日君

法達幽演

逗雲离寅

吹昂葛希

樊堂普澄

愛祕曲賴

滋球侍巾

南方八天

道藏輯要

度人妙經

金

元集五

金基明俞

控志煙陵

清都闓文

舒馘屏迎

暮孤燕飛

赤冀愁層

宛利皇建

喬強預仇

辨淨普徒

微邱霸形

花祈若龍

道羅韻聲

薦巴耶尼

九日玄京

烏佳求嶠

碧除隱彌

西方八天

泉曲監阿

齒精浮黎

覺逸湛定

絳圓伴兮

帝忽茲投

鈞圖建施

流盲律逐

柔殊巷非

林振郎盧

苟旨元依

崑崙天山

鬩樓綿披

僅房遠交

軒多瓊曲

爛絕送治

寬動太儀

北方八天

蔚蘭未司

局丹耀禧

崑龍煙梁

精泓蘇昇

氣道神散

空中煩瑣

德鎮洞后

題鉏乾羅

霞落美太

救淵捧猊

璧瑤員月

追冥素旗

出氣度玉

金道八埤

黃臺四空

虎首灑欬

道藏輯要

度人妙經

卷八

九集五

道言此諸天中大梵隱語無量之音鍊氣變仙九宮玄文天真
 皇人知氣之元得氣之根氣化廓落縱橫成文丹筆書之八角
 垂輝疊玉排瓊其方一丈四景耀明昔書其文以為正音有知
 其音能齋而誦之者道炁鍊真神隱冲冥諸天真王下觀其身
 書其功勤上奏諸天萬神朝禮地祇侍門大勳真王保舉上真
 道備剋得遊行三界昇入金門此音無所不鍊無所不營無所
 不化無所不明鍊炁變仙自然之音也故誦之致飛天下觀上
 帝遙唱萬神朝禮三界侍軒羣祚東首鬼精自亡氣激神宮玉
 音自鳴天球振響道空鬱清海平嶽竦碧煙金城鶴觀壘壁仙
 都虛盈萬仙駢擁紫蓋丹旌天地鍊炁變化昊京冥夷超忽太

量之也

道藏輯要

度人妙經

卷

元集五

正一天師清微弟子共百堅製作
道教學術資訊網站